



### ***Kratak profil preduzeća***

<i>Naziv:</i>	Rudnik krečnjaka «Vijenac» d.o.o. Lukavac
<i>Godina osnivanja:</i>	1999. godine
<i>Pravni status:</i>	Društvo sa ograničenom odgovornošću
<i>Vlasništvo:</i>	100% državno vlasništvo
<i>Adresa:</i>	Prva ulica br: 1 Lukavac, Bosna i Hercegovina
<i>Generalni direktor:</i>	Gosp. Krušić Mevludin
<i>Broj uposlenih:</i>	223
<i>Osnovna djelatnost:</i>	Vađenje ukrasnog kamena i kamena za građevinarstvo

Rudnik krečnjaka «Vijenac» d.o.o. Lukavac je kamenolom koji obezbjeđuje kamene agregate za industriju i građevinarstvo. Geološke rezerve se procjenjuju na cca 350 do 400 miliona tona. Projektovani kapacitet rudnika je jedan milion tona na godinu, a projektovani kapacitet žičarom je 150 tona/h.

Rudnik krečnjaka «Vijenac» danas radi kao D.O.O. sa 100% državnim kapitalom čiji je osnivač Vlada Tuzlanskog kantona.

Rudnik krečnjaka «Vijenac» nalazi se na granici općina Lukavac-Banovići. Od grada Lukavca udaljen je 22 km, a od grada Banovića 12 km. Uprava RK «Vijenac» smještena je u Lukavcu, neposredno uz Sisecam i Fabriku sode Lukavac. Na rudniku se vrši eksploatacija krečnjaka, drobljenje i separisanje kamena. Na rudniku se nalaze radionice za održavanje rudarske opreme, zatim tehnički magacin rezervnih dijelova, restoran društvene ishrane, kancelarije nazorno-tehničkog osoblja, benzinska pumpa sa 2 (dva) rezervoara sa po 20 i 50 tona.

Rudnik krečnjaka «Vijenac» proizvodi kamene agregate:

- rovni krečnjak.
- poluobrađeni rovni krečnjak,
- krečnjak granulacije 0-60 mm,
- krečnjaka granulacije 50-150 mm,
- čisti tampon 0-60 mm,
- tampon druge klase 0-60 mm,
- krečnjak granulacije 0-4 mm,
- krečnjak granulacije 4-8 mm,
- krečnjak granulacije 8-16 mm,
- krečnjak granulacije 16-32 mm,
- krečnjak granulacije 32-60 mm,
- rizla 0-16 mm,
- rizla 0-32 mm,

Kamen krečnjak redovno ispituje Rudarski Institut u Tuzli, na osnovu tih ispitivanja, kamen krečnjak sa lokacije Vijenac ima upotrebljivost, pored hemijske industrije, za nasipanje puteva, spravljanje svih vrsta betona i spravljanja donjeg sloja asfalta.

Distribucija kamena sa Vijenca vrši se kamionski, a postoji kolska vaga za vaganje do 60 tona. Pored toga, žičarom se za potrebe industrije vozi kamen do Lukavca, čija se istovarna stanica nalazi u krugu SSL.

Rudnik krečnjaka «Vijenac» ima stručno rukovodstvo i 223 obučena radnika koji imaju prilično dugo iskustvo u ovoj grani privrede. Prosječna dužina staža rukovodioca u firmi je oko 26 godina, a ostalih zaposlenih oko 32 godine.

Društvo ima zaključen Ugovor o dugoročnoj poslovnoj saradnji sa Fabrikom cementa Lukavac i Koncesioni ugovor o istraživanju i eksploataciji krečnjaka na ležištu «Vijenac» u općini Lukavac.

### Tekući finansijski podaci

Opis	2005	2006	2007	2008	2009
Prihodi	4.460.543	3.889.212	4.329.253	5.555.798	5.204.192
Rashodi	4.957.944	5.188.270	5.527.488	6.679.961	7.155.386
Neto dobit (gubitak)	(497.401)	(1.299.058)	(1.198.235)	(1.124.163)	(1.951.194)

### Kapital

U junu 2010.godine, Upravni odbor Agencije za privatizaciju Tuzlanskog kantona, odobrio korigovani Početni bilans stanja, sa ukupnom vrijednošću kapitala u iznosu od 14.763.671,00 KM na dan 31.12.2009.godine.

Ukupnu vrijednost kapitala u iznosu od 14.763.671,00 KM u strukturi čine:

- Rješenjem Općinskog suda u Tuzli broj 032-0-Reg-07-000186 od 23.02.2007.godine, registrovan je osnovni-temeljni kapital Društva u iznosu od **12.051.194,97 KM**.
- Kapital u ukupnom iznosu od **5.419.482,45 KM**, u poslovnim knjigama se vodi kao vlastiti kapital-ostalo, iz razloga što povećanja osnovnog kapitala nije registrovano kod Općinskog suda u Tuzli.
- Kapital u ukupnom iznosu od **2.562.112,40 KM**, u poslovnim knjigama se vodi kao revalorizacione rezerve materijalnih sredstava.
- Akumulirana dobit u iznosu od **303.530,62 KM**, je preknjiženi dio revalorizacionih rezervi, a odnosi se na kapitalne dobitke u visini amortizacije.

- Akumulirani (preneseni) gubitak u iznosu od **5.572.649,37 KM**, čini gubitak tekuće finasijske godine u iznosu od 1.951.193,61 KM i preneseni gubitak iz ranijih godina u iznosu od 3.621.455,76 KM, koji je uticao na nominalno smanjenje kapitala.

Skupština Društva je na sjednici od 03.06.2010.godine, donijela Odluku broj:01-734/10, kojom je utvrđeno da se gubitak u poslovanju za period od 01.01. do 31.12.2009.godine u iznosu od 1.951.193,53 KM knjiži na teret osnovnog kapitala.

U poslovnim knjigama Društva vodi se vrijednost zemljišta za ukupnu površinu od 1.089.266 m<sup>2</sup>.

Na dijelu nekretnina uknjižena je hipoteka radi obezbjeđenja potraživanja po osnovu kredita i naplate javnih prihoda.

### **Status informacije**

Profil preduzeća izdaje Kantonalna agencija za privatizaciju Tuzlanskog kantona. Namijenjen je svima koji su zainteresovani za kupovinu udjela Društva, isključivo da im se pomogne pri vlastitim ispitivanjima i procjenama.

Na zahtjev potencijalnog kupca i potpisivanjem Izjave o povjerljivosti, dostavit ćemo Informacioni memorandum Rudnika krečnjaka «Vijenac» d.o.o. Lukavac, koji će pružiti dodatne informacije o preduzeću.

Izjava o povjerljivosti može se dobiti sa web stranice Agencije za privatizaciju u Federaciji Bosne i Hercegovine: [www.apf.gov.ba](http://www.apf.gov.ba)

Za ostale informacije i dogovore stojimo na raspolaganju.